



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Commentarii Exegetici In Apocalypsim Ioannis Apostoli**

**Viegas, Brás**

**Parisiis, 1615**

Cur Episcopi Angeli appellentur? Sectio Prima.

**urn:nbn:de:hbz:466:1-39261**

ferrea, & tanquam vas figuli confringentur, sicut & ego accepi à Patre meo: & dabo illi stellam matutinam. Qui habet aurem, audiat quid spiritus dicat Ecclesijs.

# COMMENTARIUM PRIMUM EXEGETICVM.

## DE ANGELO EPHESI.

Cur Episcopi Angeli appellentur?

### SECTIO PRIMA.

I.



UONIAM omnium Ecclesiarum Episcopi, ad quos de mandato Christi scribit Ioannes, Angeli in his literis appellantur, eius appellatiōnis nobis in vniuersum ratio reddenda est. Prima igitur ratio depromitur ex scientia, qua præstare debent: quemadmodum docet Dionysius Areopag. lib. de celesti Hierarch. cap. 12. quam rationem complexus est Malach. cap. 2. cum dicit: *Labia sacerdotum custodiunt scientiam, & legem requirent ex ore eius, quia Angelus Domini exercituum est.* Quem locum sic interpretatur D. Hieronymus: *Angelus, id est nuntius, sacerdos Dei verus dicitur, quia Dei, & hominum sequester est, eiusque ad populum nuntius voluntatem, & idcirco in sacerdotis pectore rationale est, & in rationali doctrina, & veritas ponitur: ut discamus sacerdotem doctum esse debere, & præconem Dominicæ veritatē.* Quibus verbis alludit Hieronymus ad locum illum Exod. 28: *Pones in rationali iudicij doctrinam & veritatem, quæ erunt in pectore Aaron quando ingreditur coram Domino.* Doctrina ponitur propter scientiam, veritas propter sinceritatem, ut nihil affingat, sed omnia sic tradat, ut à Deo accepit. Pro doctrina est Hebraicè, *דָרָן* *Vrim*, id est, illuminationes, quia magna sit oportet doctrina prælati, quæ omnes possit illuminare. Pro veritate est *דַרְשׁוּמִים*, id est, perfectiones, quia magna debet esse in prælato perfectio, & integritas tum vitæ, tum etiã doctrinæ.

Dion. Areopag. Present scientia Episcopi, & Sacerdotes. Malach. 2. 7.

Exod. 28. 30.

In Rationali doctrina & veritas cur ponentur.

II.

Prælatorum munus. Esai. 33. 7. 1. ad Timoth. 3. 6.

D. Gregor. lib. 4. 16.

Secunda ratio est. Quia eorum est pacem inter Deum, & homines constituere, & Dei voluntatem hominibus patefacere: quemadmodum dixit Hieronym. loco citato. Vnde est illud Esaiæ 33. *Angeli pacis amare stebunt.* Quo enim sensu dictum est 1. ad Timoth. 3. *Magnum pietatis sacramentum, quod manifestatum est in carne, iustificatum in spiritu, apparuit Angelis, prædicatis gentibus:* vbi de communi ferè expositione, Angelorum nomine Prælati, & prædicatores intelliguntur, quia Euangelij pacem nunciant. Vtrumque enim locum paulò ante citatum, de prælati, & prædicatores intelligit D. Gregorius præter alios, lib. 34. Moral. cap. 7. quemadmodum & sequentem, qui habetur Iob 41. *Cum subleuatus fuerit, ad est diabolus, timebunt Angeli, & territi turbabuntur.* *Extremus hic, inquit Gregorius, Leviathan damnatio designatur, quæ de hoc mundo per iram iudicij tollitur, qui nunc mira mansuetudinis longanimitate toleratur, tanto autem pondere terroris excutitur, ut sanctorum etiam prædicatorum fortitudo turbetur.*

Tertia

Tertia ratio. Propter castitatem, quæ in Prelatis, & in omnibus sacerdotibus requiritur: quo sensu intelligendum est illud I. ad Corinth. II. *Ubi quidem non debet velare caput suum, quoniam imago, & gloria Dei est, mulier autem gloria viri est: ideo debet mulier velamen habere super caput suum propter Angelos.* Vbi per Angelos, quidam, Angelos custodes, qui præfunt hominibus, intelligunt. Ita Tertullianus libro de velandis virginibus, Theodoretus, Chrysostomus, Beda in eum locum. Caterum de sacerdotibus accipit D. Hieronymus, & de Episcopis D. Ambrosius, qui sic locum interpretatur: *Mulier ideo debet velare caput ut in Ecclesia propter reverentiam Episcopalem non habeat caput liberum, sed velamine tectum.* Eligitur lenitas, Mulier debet velare caput ob reverentiam Angelorum, id est Episcoporum, & sacerdotum, qui tantam debent habere puritatem, ut mulieres apertis capite videre reformident. Eandem ob causam Pontifex legali duplici zona cingebatur, una, qua stringebatur tunica linea, altera, qua cingebatur hyacinthina: quia Episcopus, simplicem debet præ alijs habere castitatem. Quarta ratio propter contemplationem. Propterea enim ille Pontifex tunica hyacinthina induebatur, quæ caelestem colorem referebat.

Quinta ratio. Propter sedulam gregis custodiam iuxta illud Psalmi 90. *Angeli sui. Domine mandavit deum, ut custodiant te in omnibus vijs tuis.* In cuius rei typum, significationem, omnes Episcopi præter Romanum, habent baculum: Romanus enim baculum non habet, ut significetur eum non habere certam alicuius Ecclesie Catholice administrationem. Sexta. Propter Angelicam vitæ sanctitatem, qua debent excellere, quod argumentum fusè persequitur D. Gregorius lib. I. Epistolarum in dictione 9. cap. 24. ubi inter alia. *Omni cura, inquit, vigilandum est, ut recte cogitatione sit mundus, operatione præcipuus, discretus in silentio, utilis in verbo, præ cunctis contemplatione suspensus, singulis compassionem proximus, bene agentibus per humilitatem socius, contra delinquentium vitia per zelum iustitiae erectus.* Septima & postrema. Propter promptitudinem ac diligentiam in munere suo obeundo, Divinisque mandatis exequendis. Idcirco enim Angeli alati, & discalceati pinguntur, quemadmodum docet Dionysius Areopagita libro de caelesti Hierarchia, cap. 17. alati, inquam, propter velocitatem, discalceati verò, tum ob eandem causam, tum etiam quia, ut ait Dionysius: *omnis terrena labijs expertes sunt.*

III.  
I. ad Corint.  
11.7.  
Tert. II.  
Theodor.  
Beda.  
Chrysost.  
D. Hieron.  
D. Ambros.  
Castitas prelati-  
orum.  
Eorundem  
contemplatio.  
III.  
Psalm 90. 11.  
Baculum cur  
habeant om-  
nes Episcopi,  
præter Ro-  
manum.  
Qualis Pre-  
latus esse de-  
beat ex  
D. Gregor.  
Dion. Areop.  
Alati, & dis-  
calceati cur  
pinguntur  
Angeli.

Angeli Ephesi laudes commemorantur, in eoque Episcopi partes describuntur. Primum expenditur literarum inscriptio, & cur prius laudetur, quam reprehendatur, deinde illa verba explicantur: *Scio laborem tuum, & patientiam tuam.*

SECTIO II.

NOTANDA est primò epistola ad Ephesi Angelum quasi inscriptio, qua huiusmodi est. *Hæc dicit, qui tenet septem stellas in dextera sua; qui ambulat in medio septem candelabrorum aureorum.* Quæ inscriptio propterea præmittitur, ut nimirum, quemadmodum annotavit Richardus de sancto Victore, fiduciam Christus præbet peccantibus; ac si dicat; si quis superiorem gradum amiserit, & per negligentiam de pristina perfectione decidit, non desperet, quia ego septem stellas etiam post commissam negligentiam teneo, id est, eos qui peccarunt, si penitentiam minime desero: Etenim hi Episcopi, qui per stellas

Rich. Vict.  
Penitentes  
non deservit  
Deum.